

**Ed.**

**700. Frumvarp til laga**

[204. mál]

um almenningsbókasöfn.

(Eftir 2. umr. í Ed., 18. apríl.)

Samhljóða þskj. 644 með þessum breytingum:

5. gr. hljóðar svo:

Bæjarbókasöfn skulu hafa með höndum svo viðtæka útlánastarfsemi, að bóka-kostur þeirra megi koma bæjarbúum að sem fyllstum notum miðað við stærð safn-anna, fjölbreytni, fjárhag og aðrar aðstæður. Þá skulu og bæjarbókasöfn starf-rækja lestrarsal eða lestrarsali, svo sem fært er vegna rúms og fjárhagsgetu. Skyllt er bóka-vörðum að leiðbeina um bókaval, eftir því sem unnt er og heppilegt þykir, og sérstaklega skulu þeir vera þeim notendum safnanna hjálplegir um ráð og leið-beiningar, sem óska fræðslu eða heimilda um ákveðin efni. Þá er bóka-vörðum og skylt að veita framhaldsskólanemendum skipulagsbundna fræðslu um notkun bóka-safna almennt og öflun heimilda um ákveðin efni, ef skólanefndir óska þess og húsakostur bókasafnsins leyfir.

Héraðsbókasöfn skulu hafa sömu skyldur í hreppum, þar sem þau eru stað-sett, og bæjarbókasöfn í bæjum. Einnig skulu þau með ákveðnum takmörkunum og skilyrðum (sbr. 29. gr.) lána um bókasafnshverfið bækur, sem ekki er kostur á í hlutaðeigandi sveitarbókasafni. Þetta nær og til bæjarbókasafna, sem jafnframt eru héraðsbókasöfn.

Bókavörðum þessara safna skal skylt, eftir því sem við verður komið, að senda fáorðar skriflegar upplýsingar um fróðleiksatriði, þegar um þær er beðið í skynsamlegum tilgangi að dómi bókavarda. Þá skulu og þessir bókaverðir hafa eftirlit með rekstri sveitarbókasafna og bókasafna í framhaldsskólum, sjúkrahúsum og hælum, hver í sínu bókasafnshverfi, og leiðbeina bókavörðum og stjórnnum bóka-safna um flokkun, skráningu, afgreiðsluhætti og skýrslugerð. Skal þeim greiddur ferðakostnaður vegna eftirlits úr ríkissjóði, að fengnum tillögum bókafulltrúa.

10. gr. hljóðar svo:

Laun bókavarda skal ákveða með hliðsjón af kjarasamningum opinberra starfs-manna á hverjum tíma.

Auglýsa skal stöður bókavarda og yfirbókavarda með minnst mánaðar um-sóknarfresti. Í auglýsingu skal getið launakjara.

11. gr. hljóðar svo:

Stjórn bæjar- og/eða héraðsbókasafns, þar sem bókavazla er ekki aðalstarf, ræður mann til starfsins um óákveðinn tíma, og skal hún gera sér far um að fá til þess þann hæfasta, sem völ er á.

Laun bókavarda samkvæmt þessari grein skulu ákveðin að fengnum tillögum bókafulltrúa.